

**PEMBERITAHUAN PERTANYAAN BERTULIS DEWAN RAKYAT
MESYUARAT KEDUA, PENGGAL KEDUA,
PARLIMEN KEEMPAT BELAS**

PERTANYAAN : BERTULIS
DARIPADA : Y.B. DATO' HASBULLAH BIN OSMAN
[GERIK]

SOALAN NO. 170

Y.B. DATO' HASBULLAH BIN OSMAN [GERIK] minta **MENTERI KEWANGAN** menyatakan apakah Kementerian bersedia memperbaiki kaedah pemberian Bantuan Sara Hidup Rakyat (BSH) yang menerima banyak maklum balas negatif dari rakyat. Misalnya pemberian kepada akaun pasangan dan bukannya akaun ketua keluarga. Apakah penyelesaian masalah kesesakan di kaunter Bank Simpanan Nasional dan Lembaga Hasil Dalam Negeri (LHDN).

JAWAPAN

Tuan Yang di-Pertua,

Bantuan Sara Hidup (BSH) merupakan salah satu bantuan bersasar bagi golongan berpendapatan rendah (B40) meringankan kos sara hidup mereka di samping membuktikan keprihatinan Kerajaan Pakatan Harapan terhadap golongan yang memerlukan dan seterusnya memberi impak yang tinggi kepada rakyat. BSH 2019 akan mengutamakan keluarga dengan menyediakan kadar tambahan untuk setiap orang anak berumur 18 tahun ke bawah terhadap kepada 4 orang, kecuali anak OKU yang tidak dihadkan umur.

Untuk makluman Ahli Yang Berhormat, pembayaran fasa kedua BSH 2019 melibatkan peruntukan sebanyak RM1.42 bilion dan memanfaatkan hampir 3.6 juta penerima BSH. Walau bagaimanapun, bagi 0.3 juta penerima BSH 2019 yang telah lulus, penyaluran bayaran fasa kedua tidak dapat dikreditkan ke dalam akaun bank mereka disebabkan bayaran gagal dikreditkan setelah nombor akaun bank yang didaftarkan tidak tepat. Bagi BSH 2019, pembayaran bagi penerima berumur 59 tahun ke bawah adalah melalui akaun bank isteri. Perkara ini telah diumumkan kepada setiap penerima BSH melalui surat makluman dan turut dipaparkan di dalam portal BSH <https://bsh.hasil.gov.my> untuk makluman umum. Namun demikian, sebilangan penerima BSH 2019 telah mendaftarkan nombor akaun bank suami dan ini mengagalkan pengkreditan akaun kerana nombor akaun tersebut bukan di bawah nama isteri. Sehubungan dengan itu, bagi memastikan penerima yang gagal dikreditkan menerima pembayaran berkenaan, Bank Simpanan Nasional (BSN) telah mewujudkan akaun bank baharu secara automatik untuk penerima yang berkenaan. Maklumat akaun bank baharu boleh diketahui melalui surat makluman yang akan dikeluarkan dan dengan melayari portal BSH. Pembayaran bagi golongan tersebut telah dikreditkan terus ke akaun berkenaan mulai 14 Jun 2019.

BSN juga telah mempermudah proses yang terlibat di dalam pemberian BSH 2019 dengan membuka kaunter dan menempatkan kakitangan tambahan bagi memudahkan semua pihak yang membuat urusan sepanjang pembayaran BSH

NO SOALAN : 170

2019 di samping melanjutkan operasi harian BSN kepada hujung minggu iaitu Sabtu dan Ahad.

Untuk makluman Ahli Yang Berhormat, Kerajaan akan terus mengambil langkah proaktif dalam menangani masalah penerima BSH, khususnya jika terdapat kesulitan dalam pemberian BSH 2019. Kerajaan juga akan sentiasa memastikan semua bantuan Kerajaan adalah berkesan dan menepati kumpulan sasaran yang ditetapkan terutamanya golongan B40.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KEDUA,
PARLIMEN KEEMPAT BELAS**

PERTANYAAN : BUKAN JAWAB LISAN

DARIPADA : DATO' HASBULLAH BIN OSMAN [GERIK]

SOALAN

DATO' HASBULLAH BIN OSMAN [GERIK] minta **MENTERI KOMUNIKASI DAN MULTIMEDIA** menyatakan apakah Kementerian akan membekalkan siaran MYTV di seluruh kawasan luar bandar kawasan Parlimen dan DUN di seluruh negara.

JAWAPAN

Tuan Yang di-Pertua,

1. Untuk makluman Ahli Yang Berhormat, pada masa ini, syarikat MYTV Broadcasting Sdn. Bhd. (MYTV) telah pun menyiapkan 44 tapak pemancar TV digital yang mana turut dilengkapi dengan perkhidmatan satelit Direct-To-Home (DTH) bagi memastikan capaian liputan siaran digital myFreeview di kawasan luar bandar dan pedalaman di seluruh negara. Pihak MYTV juga telah pun menyelesaikan pemberian 2 juta set top box (STB) secara percuma kepada penerima Bantuan Sara Hidup Rakyat (BHSR) yang berkecukupan.
2. Liputan siaran digital myFreeview di kawasan Gerik telah pun disediakan menggunakan kaedah DTH sejak November 2018. Sebanyak 5,686 unit dekoder DTH telah diedar dan dipasang kepada penerima BHSR di Hulu Perak, termasuklah Gerik.
3. Siaran digital myFreeview boleh dinikmati dengan memasang dekoder DTH berserta 'dish antenna' serta aksesori berkaitan kepada set TV sedia ada. Penerima yang telah memasang dekoder tersebut kini dapat menikmati 15 saluran TV dan 6 saluran radio secara percuma tanpa yuran langganan dengan kualiti gambar dan audio yang lebih baik.